

重修天津府志卷末

附錄前志卷首

按昔人譏新編告成舊志遽歿等語得魚忘筌有同剽竊洵公言也津郡前志屬在設郡之初四庫全書館未啟卽諸史尙闕著錄所引者如天津衛志河間府志率多傳會之詞無從質證然創始之功固大難矣今志徵采所自悉爲標明更於卷末備載序例目錄職名以存規模俾來者有考

序文

國家休養百年生齒殷繁郡縣之增置者所在多有

天津拱輔

神京水陸交會又東鄰大海饒魚鹽之利四方商賈往往占籍而居其地之煩且劇較他處爲尤甚雍

重修天津府志

卷末

一光緒戊戌

正閒由衛而州遞升爲府分河閒所屬縣隸之一切規模制度俱曩時所未備則郡之宜有志以傳也亟矣按古方國之志掌於外史將以紀形勝辨土俗詳其興廢得失爲求治者之龜鑑焉故其體甯質毋華甯密毋疎甯簡核而毋汎濫後世如郡國地理十遺一統等志旣以備方輿之大觀而一郡一邑又必各自爲志視古蓋加詳矣顧其閒沿革非一疑信相參作者以博雅相高或致附會失真紛雜寡要徒摭取風雲月露之詞爲方隅潤色甚無謂也津郡建置未久舊志荒陋文獻渺徵操

筆者比於無源之醴無根之芝簡畧宜所不免然  
第就見聞可及之事稽之往籍考之輿論覈實徵  
信挈要提綱卽求治之龜鑑於是乎在又何必以  
徵引未富文藻闕如爲病哉夫事非稱名之難而  
責實之難非初始之難而紹承恢大之難有疆域  
城池海防營制則設險不可無備矣有田賦戶口  
則生聚不可無方矣有學校則益思所以振興而  
推廣之有選舉人物則益思所以鼓舞而培養之  
有河渠鹽法則益思所以修舉而整飭之事圖其  
本務而業規其久遠由是以漸觀厥成臻於美備

重修天津府志

卷末

二 光緒戊戌

使後之續爲此志者無復有簡畧之歎豈非三輔  
之大風休明之盛烈與茲當剗劂告成輒書所見  
弁其簡端用與僚屬共勉且以告後之來蒞斯土  
者乾隆四年歲次己未七月朔日直隸分巡天津  
河間等處地方兼理河務布政使司參政紀錄一  
次桂林陳弘謀序

司馬太史作史記多證以遊迹所經故其文典而  
核後儒身不出戶庭山經海志僅求之區區行墨  
閒其不足信今而傳後勢使然耳若官其地矣宰  
於縣曰知守於府亦曰知知者於是府是縣數大

政無不知之謂也然問刑名則知問錢穀則知至是邦之風土人情仍以考成所不及而置之作爲志乘不免以文勝譏矣余之蒞郡也實繼興素李公後公來當設郡之初甫下車卽策經費爲郡志尋以擢去余謂是後來者責願卒成之會以水旱疊告上廛

帝心蠲賑之

詔屢下守臣躬涉諸州縣邑比戶而撫綏之風土人情可謂耳濡目染矣然而傳聞多異詞俗說不足證考訂偶疎不免傳會舊志之誤往往坐此此巨家所

重修天津府志

卷末

三光緒戊戌

以爲巨無霸呂彭城所以爲呂布彭越也用是請諸憲府敬延名宿而設局焉內史吳東璧總其成徵士汪西顥分其任憲司僚屬咸相考核余不敏時以一知半解參之踰年而志成爰合諸牧令而謂之曰地官土訓掌道地圖以詔地事誦訓掌道方志以詔觀事巡守則夾王車辭平仲謂二官皆以訓爲名蓋開陳啟迪之謂王昭禹又以王之聞見言則圖志之所係大也

世宗憲皇帝命重修各省通志登之史館以備一統志之採擇蓋卽周官遺意耳郡志殷繁不克遍及然輔

軒所至未嘗不與風謠歌頌竝登

乙覽則輯之不可以不慎而開陳啟迪之方官是土者又不可不以淬厲先之凡設民以官治上下交資志係於民者十之七係於官者十之三但官因民設而責則在上不在下讀

天章者當體

列聖恤下之心讀地輿者當盡力民守土之職其他耳目所及隨事刻厲大概如此余與諸君子共勉之可矣惟是海濱僻壤艱於購書并舊志善本亦不可得編纂所及未克精詳昔茅鹿門論史漢謂太史

重修天津府志

卷末

四 光緒戊戌

公創爲傳紀其事難班孟堅因之按史記故本而避其所短又得東觀漢書西京雜記諸書爲之羽翼故其事易身非子長而徵其固陋以補之不能無待於後之爲孟堅者乾隆四年歲次己未臯月穀旦知天津府事新安程鳳文謹序

歲丁巳舒菴太守以郡志之設招余及西顥都講襄其考訂歷秋而春將脫稿矣余適奉禮館之

命委其任於西顥越一歲而書成或謂余郡志所載其無遺乎曰未也然則曷爲付諸鈔曰爲之地也小戴記云甘受和白受采逸詩云素以爲絢夫是之謂

地蓋卽太守自序有待之說也其有待奈何曰不得已也夫惟有禹貢而後知逆河之在海津有爾雅而後知兩河間之爲冀濟河間之爲兗有漢郡國志而後知郡城之南爲章武北爲泉州有水經注而後知潞之有東西漳之有清濁此志之已見者也其未見者如郡城本衛地餘屬本河間府地衛與郡舊志俱有萬厯善本今且不可得他更無論矣古之言地者莫誕於讖緯春秋文耀鉤謂地與四遊升降三萬里河圖括地象謂崑崙東南萬五千里爲神州此大九州及迎州柱州樊桐板松

重修天津府志

卷末

五 光緒戊戌

元圃閬風層城之名所自來其荒邈已極然特從耳目所不及之地而設爲新奇以相誇詡究則因禹貢崑崙之名而傳會之今以三輔都會之地四方舟車之衝古今沿革習見熟聞其日在人齒頰間者尙當據古以進退之欲憑虛結撰以腹臆爲囊括是蜃也而樓臺城市雲也而蒼狗白衣以此炫奇人不唾且笑矣然則天下自有書曷不購以益之曰此正自序所謂有待也太守本廉吏於下無妄求斯志之成費已不支卽見在捐俸所購書其力已竭遑敢求多然則曷不盡待之而先成是

編曰此卽所謂爲之地也事戒草率亦戒因循苟  
必備物而後成書俟河之清渺不可必浸淫漫滅  
將并此四十卷而廢之質之不存文將焉附故不  
得已而以梨棗存之俾後來資爲粉本而諒其苦  
心所謂存十一於千百也雖或以固陋目之奚庸  
辭乾隆四年歲次己未夏五月三禮館纂修官舊  
內史仁和吳廷華撰

凡例

一志本外史則考訂當以歷朝史書爲根柢會典  
則又

重修天津府志

卷末

六 光緒戊戌

昭代史志所自出考

憲典者以之二者爲主而後參以水經及宋元舊志  
三通等書其一統志畿輔通志與州縣衛志則又  
是書粉本也但郡屬所存皆康熙年間新本體要  
未備聞河閒府志有萬厯本求之不可得區區撫  
拾不免掛一漏萬識者諒之

一志首

天章尊

天子也紀

恩諸條特就其最切於天津者志之若夫

恩綸煥發德意廣宣大寓之內同遊高厚不敢以海隅小郡獨私之也

一陵谷代遷地輿易混天津之爲析津青縣之爲清國滄州之爲三代渤海南皮之爲成安鹽山之爲竇融封國慶雲之爲鬲津舊志鑿鑿言之不免牽附特據各史正之若以爲好辯夫何敢

一志山川者特以誇名勝事遨遊而已郡之山皆培塿若川則自夏后時疏河以來歷朝北條治水之功俱萃於此自當悉其源流疏濬之助故載之

獨詳

重修天津府志

卷末

七光緒戊戌

一古蹟半詳九河碣石不但爲禹貢漢書辨也我朝北河水利遠逾前古而郡又爲禹河歸壑地辨舊蹟所以大新猷也至玉佛鐵獅第歸雜志不敢混採

一長蘆十六場郡有其十近已半汰又長蘆引額百萬而府屬所銷不過數千所繫微矣然部院鹽臣駐節斯土法又不得不以地傳但就法之繫於郡地者節而存之餘不敢贅

一兵志昉於周禮大司馬序官而唐宋以下遂詳載之蓋衛民之盛典也前轍有鑒故遠溯漢唐然

亦第就古制之見於郡地者言之而不敢濫

一河渠必合源流及治法載之庶幾一河而見四百餘水之脈非誇多也其見山川者不贅

一漕運營田附河渠者北河功程強半爲此非牽合也

一名宦爲千古激揚所係採之不可不嚴論之又不可過刻謹就志乘所載實蹟種種者以次登之其得之傳聞者不錄至現任當時善政雖多不敢類載志書例也

一周禮設官分職有是地卽有是官不分其賢否

## 重修天津府志

### 卷末

八 光緒戊戌

也然舊志于忠愍與鄢懋卿竝列未免史記韓老之譏特刪之其署任者不贅

### 一職官志

國朝惟鹽院分巡轉運授受時日不爽其他舊志職官大概多在康熙二十年以前近年郡屬案冊可據者多在康熙五十年以後前後斷續無可稽查非敢脫漏也

一祥異見於各州縣志及河閒府志竝他書實有可據者按地紀載餘得之傳聞者概不多贅

一人物各門爲類十四仍以前代先後次之本之



正史旁採羣籍以及諸郡縣地志紀載則甯詳毋略去取則甯嚴毋濫若封鉅雋渤海諸人荒遠難稽概從刪汰舊志有以他邑人誤入者悉據正史釐正不復混列

一列女貞烈節孝總以時代詮序不復另爲區別從范史例也

國朝烈女則以旌表者備載於前其餘舊志所存及公舉冊所載附書於後女流鄒魯津郡實稱無忝云

一藝文擇其有關政教風化者始錄他若遊覽憑

重修天津府志

卷末

九光緒戊戌

弔之作閒附一二詩文先分各體作者時代仍以遠近別之

一歷代取士之途不同漢魏以前不外鄉舉里選及州郡薦辟自隋設科目始立進士之名唐宋及今相因不改舉人貢生之名昉於有明今薦辟之外分進士舉人貢生三類按其科分及州縣載之國朝文武並重武科鄉會二試亦備列焉至官階政蹟有可攷者附書其下第貢生及武科鄉會二試康熙十三年以後缺漏實多無從臆補拾遺訂誤實有望於後賢

一舊志有雜識一門蓋因其事有關地方而於諸  
卷無可歸附故另立一門今循原例

目錄

卷之一

天章

兼恭  
紀

卷之二

地輿

卷之三

星土

卷之四

重修天津府志

卷末

十光緒戊戌

形勝疆域

卷之五

風俗物產

卷之六

山川

卷之七

城池公署

附坊  
表

卷之八

鄉都戶口

卷之九

學校

卷之十

壇壝附寺觀

卷之十一

古蹟附冢墓

卷之十二

田賦附屯田

卷之十三

鹽法

卷之十四

重修天津府志

驛遞附津渡

卷之十五

兵志

卷之十六

河渠

卷之十七

河渠

卷之十八

祥異

卷之十九

卷末

十一  
光緒戊戌

封建

卷之二十

名宦

卷之二十一

職官

卷之二十二

職官

卷之二十三

職官

卷之二十四

重修天津府志

卷末

職官

卷之二十五

選舉

卷之二十六

選舉

卷之二十七

人物

卷之二十八

人物

卷之二十九

十一 光緒戊戌

人物

卷之三十一

列女

卷之三十一

列女

卷之三十二

列女

卷之三十三

藝文

卷之三十四

藝文

重修天津府志

卷末

十三 光緒戊戌

卷之三十五

藝文

卷之三十六

藝文

卷之三十七

藝文

卷之三十八

藝文

卷之三十九

藝文

卷之四十

雜記

纂修職名

鑒定

李少保兵部尙書兼都察院右副都御史直隸總督李 衛

李少保兵部尙書兼都察院右副都御史直隸總督孫嘉淦

都察院僉都御史直隸總河劉 勳

兵部右侍郎兼都察院副都御史直隸總河顧 琮

通政使司右通政提督直隸學政錢陳羣

重修天津府志

卷末

古光緒戊戌

長 蘆 巡 鹽 御 史 三 保

長 蘆 巡 鹽 御 史 準 泰

參閱

直隸等處承宣布政使司布政使張鳴鈞

直隸等處承宣布政使司布政使范 燦

直隸等處提刑按察使司按察使多 綸

直隸天津河巡道按察使司副使張坦熊

直隸天津河巡道布政使司參政陳弘謀

長蘆都轉鹽運使司鹽運使蔣 林

總裁

直隸 天津府知府李梅賓  
直隸 天津府知府程鳳文  
分纂

長蘆都轉鹽運使運同孟周衍

天津府同知楊灝

天津府通判陳韶

長蘆都轉鹽運使運判姚鉉

滄州知州陸福宜

天津縣知縣張志奇

天津縣知縣朱奎揚

重修天津府志

卷末

五 光緒戊戌

青縣知縣田種玉

靜海縣知縣劉浩基

南皮縣知縣魏運世

鹽山縣知縣任弘業

鹽山縣知縣金昌世

慶雲縣知縣鄧岫

總修

內閣三禮館纂修官原任福建興化府同知吳廷華

分修

薦舉博學鴻詞浙江錢塘縣監生江沆

分校

天津府學 授陳王庭

天津府學 訓 導楊景惠

天津縣學 教 諭王鏐

天津縣學 訓 導王煥

督刊

天津府 經 歷徐之鳳

校刊

浙江 上 虞 縣 儒 士 范 錕

重修跋

重修天津府志 卷末 光緒戊戌

去冬始任校刊為顧私誼冀免多改初稿勉強仍

其體式逮繼覺甚不可則已有刻成難改至今愈

悔約舉數端如提行仿試牘空格本漢碑無二格者初稿偏注或空三

格因力避此失於選舉門至用鼎革壽榜等詞幹

旋之而仍有不適遠不如仿順天府志之遵古書

書名注於下前志首標書名初稿移下又未檢原書則於引古書而申以一二語者必

混認此雖古書題上事之例更有他

不辨最難尋檢實古拙之極失如殉難之失序應承人物水名之未覈慶雲等處有之

著述之未覈藝文先刻未將各傳校對皆寸心深戚有如骨髓

在喉者故非但已所不知之失有待於大雅之匡其不逮也戊戌秋杪蔡啟盛再識 卷末終